



Հայաստանի ՉՆԳՎԱԾՄԻՆ ԸՐԱՏՎՈՒԹՅԱՆ ՄԻՋՈՇՆԵՐԻ ԷԹԻԿԱՅԻ ԴԻՏՈՐԴ ՄԱՐՄԻՆ

Հայաստանի Հանրապետություն, 0002 Երևան, Ղազար Փարպեցի, 9բ
հեռ.՝ + 374 10 53 00 67, Էլ. փոստ՝ meo@ypc.am

Դիտորդ մարմնի կազմը

Դավիթ ԱԼԱՎԵՐԴՅԱՆ
Նարինե ԱՎԵՏԻՍՅԱՆ
Ռուբեն ԲԱԲԱՅԱՆ
Լեւոն ԲԱՐՍԵՂՅԱՆ
Շուշան ԴՈՅԴՈՅԱՆ
Արսեն ԽԱՌԱՏՅԱՆ
Կարինե ՀԱՐՈՒԹՅՈՒՆՅԱՆ
Արա ՂԱԶԱՐՅԱՆ
Աշոտ ՄԵԼԻՔՅԱՆ
Գնել ՆԱԼԲԱՆԴՅԱՆ
Բորիս ՆԱՎԱՍԱՐԴՅԱՆ
Արա ՇԻՐԻՆՅԱՆ
Նունե ՍԱՐԳՍՅԱՆ
Վիգեն ՍԱՐԳՍՅԱՆ
Անժելա ՍՏԵՓԱՆՅԱՆ

ԶԼՄ-ՆԵՐԻ ԷԹԻԿԱՅԻ ԴԻՏՈՐԴ ՄԱՐՄԻՆԻ ԵԶՐԱԿԱՑՈՒԹՅՈՒՆԸ

«ՖՐԻ ՆՅՈՒԶ» ՄՊԸ «Ֆրի Նյուզ» տեսալսողական ծրագրի 2024թ. մայիսի 21-ի եւ 25-ի «Ազատ շփում Գնել Սարգսյանի հետ» հաղորդման ընթացքում հաղորդավար Գնել Սարգսյանի հնչեցրած որոշ արտահայտությունների վերաբերյալ Հեռուստատեսության եւ ռադիոյի հանձնաժողովի (ՀՌՀ) դիմումի կապակցությամբ

Ա. ՓԱՍՏԵՐ

- 2024թ. մայիսի 31-ին ԶԼՄ-ների Դիտորդ մարմին է դիմել ՀՌՀ-ն՝ խնդրելով արտահայտել ԴՄ դիրքորոշումը 2024թ. մայիսի 21-ի եւ 25-ի «Ազատ շփում Գնել Սարգսյանի հետ» հաղորդման ընթացքում հաղորդավար Գնել Սարգսյանի հնչեցրած որոշ արտահայտությունների առնչությամբ: Այդ արտահայտությունների հղումները՝ [FreeNews TV \[2024-05-21T18 45 00..2024-05-21T18 45 40\].ts](#) եւ [FreeNews TV \[2024-05-25T00 52 40..2024-05-25T00 53 40\].ts](#), ՀՌՀ-ն կցել է դիմումին:
- ՀՌՀ-ն խնդրահարույց է համարում հաղորդավարի հետեւյալ ձեւակերպումները. «21.05.2024թ. ժամը 18:45:10 - 18:45:34 ընկած ժամանակահատվածում հաղորդավար Գնել Սարգսյանն ասում է՝ «...ձեր դաշնակիները, տալով եկել էք, տալով, պատերազմի վախտ էլ թոնելով եկել էք, դեռ մեկն էլ մի հատ ֆոտո էր գցել դիրքերից՝ Բազրատ սրբազանն էլ եկել ա դիրքերում իբր իրան տենալու, տեսնելու, մեր հոգեւոր զենեւալը, ըսենց մի հատ բան էր դրել, էդ հոգեւոր զենեւալը «WarGonzo»-ի՝ էն Պեզովի հետ մեռավ թուրքերին սահմանների տեղը ցույց տալով»:
«25.05.2024թ. ժամը 00:52:49 - 00:53:35 ընկած ժամանակահատվածում «Ազատ շփում Գնել Սարգսյանի հետ» հաղորդման հաղորդավարն ասում է. «... Ակնհայտ է, որ Մայր Աթոռը ասել է, թե կաթողիկոսը եւս կրկնում է Գալստանյանի ու

նրա շարժման բառապաշարը ու ակնհայտորեն հովանավորում այն: Նաեւ, երբ փորձեցինք Մայր Աթոռից կաթողիկոսի հատուկ դիրքորոշումը ճշտել, մեր գրավոր հարցումն անպատասխան մնաց, իսկ զանգերին այդպէս էլ չպատասխանեցին: Մայր Աթոռը անհասանելի ա: Մայր Աթոռի Գարեգին Բ-ն հասանելի ա միայն Դոզի եւ Քոչարյանի համար: Էս 2-ի պարագայում ռնց ծնգցնեն թռած վերցնում են: Ասեմ ավելին՝ պատրաստ են միասին, ինչ-որ վայրում աղոթքով սկսելու իրենց շարժումը»:

- Քննության առնելով դիմումը՝ Դիտորդ մարմինը ՀՌՀ-ին խնդրել է տրամադրել ամբողջական թողարկումների հղումները՝ դրանցում հնչած ձեւակերպումների մասին լիարժեք պատկերացում կազմելու համար: ՀՌՀ-ն այդ հաղորդումների հղումները տրամադրել է:

Բ. ԵԶՐԱԿԱՑՈՒԹՅՈՒՆ

Քննելով ՀՌՀ դիմումը եւ ուսումնասիրելով խնդրո առարկա տեսանյութերը, Հայաստանի ԶԼՄ-ների էթիկայի Դիտորդ մարմինն արձանագրում է.

- ՀՌՀ առանձնացրած հատվածներում հաղորդավարի կողմից Հայաստանի լրատվամիջոցների եւ լրագրողների էթիկական սկզբունքների [Կանոնագրի](#) դրույթների խախտում ֆորմալ առումով չկա, թեեւ շատ մոտ է եղել դրանք խախտելու վտանգավոր սահմանագծին:
- Հաղորդավարն իր դեմքի քամահրական արտահայտությամբ, ագրեսիվ ժեստիկուլյացիայով ու խրատական տոնայնությամբ անթաքույց հակակրանք է արտահայտում այն գործիչների հանդեպ, որոնց քաղաքական հայացքները տարբերվում են իր պատկերացումներից: Հաղորդավարը թիրախավորում է ոչ իշխանամետ որոշ գործիչների եւ նրանց մասին իր անձնական կարծիքն ու գնահատողական բնույթի դատողությունները (որոնք թույլատրելի են) գուզակցում է այդ գործիչների անձը, գործողությունները, գաղափարները վարկաբեկող խոսույթով, ինչը հարիւր չէ մեղիաարժեքներին: Հաղորդավարն իր ամբողջ պահվածքով ագրեսիա է դրսեւորում այն անձանց հասցեին, որոնք այդ նույն հաղորդաշարում պատասխան խոսքով հանդես գալու հնարավորություն չունեն՝ տվյալ հեռուստաժանրի (հեռուստամենախոսություն) կանոնների համաձայն:
- Հաղորդավարի խոսելաճը բուլինգային է եւ ագրեսիվ, ինտոնացիան՝ քամահրական, անհանդուրժող, դեմքի արտահայտությունն ու դիմախաղը՝ աստելախառն, ձայնը՝ բղավոցի հասնող, սաստող ու իր համար անընդունելի գործիչների հանդեպ զզվանքով լի:

- Իր կարծիքն արտահայտելիս, իր գնահատականները շարադրելիս Գնել Սարգսյանն իր պատկերացումներն արտահայտում է լրատվության ստանդարտներին ոչ հարիր եղանակներով՝ ոչ քաղաքակիրթ բառապաշարով, քրեական ենթամշակույթին բնորոշ տարրերով, իր համար անցանկալի գործիչների անձը նվաստացնող ակնարկներով: Սա հարիր չէ մեդիաարժեքներին:
- Եթերում հաղորդավարի այս կարգի պահվածքը տարածված էր մասնավորապես հետխորհրդային Ռուսաստանի հեռուստատեթերում, բնորոշվում էր «մեդիաքիլլեր» կամ «տելեքիլլեր» եզրույթներով եւ բնորոշ էր ագրեսիվ քարոզչական հարթակներին: Սա «կարծիքի ժուռնալիստիկա» որակվող մեդիաարտադրանքի վատագույն օրինակն է:
- ՀՌՀ-ից ստանալով վերոնշյալ թողարկումներին վերաբերող դիմումը, ինչպես նաեւ քննարկելով այդ հաղորդաշարի եւ հաղորդավարի առնչությամբ ԴՄ անդամներին փոխանցված ոչ ֆորմալ, բանավոր բազմաթիվ տարակուսանքները, դժգոհությունները եւ վրդովմունքը, Դիտորդ մարմինը (պատահական ընտրությամբ) ուսումնասիրել է «Ազատ շփում Գնել Սարգսյանի հետ» հաղորդաշարի որոշ թողարկումներ, որոնց առնչությամբ մոտ ապագայում կլինի ԴՄ հատուկ հրապարակային անդրադարձը:

Դիտորդ մարմինը հիշեցնում է, որ Կանոնագիրը ստորագրած լրատվամիջոցներն ընդունում են ԴՄ իրավասությունը՝ քննելու իրենց գործողությունների ու հրապարակումների համապատասխանությունն այդ Կանոնագրի դրույթներին, եւ պատրաստակամություն են հայտնում Դիտորդ մարմնի եզրակացության՝ խախտմանը վերաբերող հատվածներն առանց մեկնաբանությունների հրապարակել իրենց լրատվամիջոցներում եւ այդ մասին տեղեկացնել ԴՄ-ին՝ կցելով հրապարակման հղումը:

Ընդունվել է 2024 թ. օգոստոսի 9-ին,
 ՋԼՄ-ների էթիկայի Դիտորդ մարմնի հետեւյալ կազմով՝

Գնել ՆԱԼԲԱՆԴՅԱՆ
 «Նյումեգ» հրատարակչության գլխավոր խմբագիր
 Ռուբեն ԲԱԲՍՅԱՆ
 ռեժիսոր, Երեւանի թատրոնի եւ կինոյի պետական ինստիտուտի
 պրոֆեսոր
 Բորիս ՆԱՎԱՍԱԴՅԱՆ
 Երեւանի մամուլի ակումբի պատվավոր նախագահ
 Դավիթ ԱԼԱՎԵՐԴՅԱՆ

«Մեդիամաքս» լրատվական գործակալության գլխավոր խմբագիր
Վիգեն ՄԱՐԳՍՅԱՆ
Երեւանի մամուլի ակումբի մասնագիտական էթիկայի հանձնաժողովի
նախագահ
Կարինե ՀԱՐՈՒԹՅՈՒՆՅԱՆ
«Ռեգիոնս TV» կայքի տնօրեն
Նարինե ԱՎԵՏԻՍՅԱՆ
Վանաձորի «Լոռի» ՀՐ գործադիր տնօրեն
ԱՐԱ ՂԱԶԱՐՅԱՆ
Իրավաբան
Աշոտ ՄԵԼԻՔՅԱՆ
Խոսքի ազատության պաշտպանության կոմիտեի նախագահ
Նունե ՄԱՐԳՍՅԱՆ
Մեդիա նախաձեռնությունների կենտրոնի գործադիր տնօրեն
Անժելա ՍՏԵՓԱՆՅԱՆ
Արմավիրի «ԱԼՏ» հեռուստաընկերության խմբագիր

*ԶԼՄ-ների էթիկայի Դիտորդ մարմինը ձեւավորել են
ինքնակարգավորման նախաձեռնությանը միացած
լրատվամիջոցները, որոնք այս պահին 82-ն են: ԴՄ-ն ղեկավարվում է
Հայաստանի լրատվամիջոցների եւ լրագրողների էթիկական
սկզբունքների Կանոնագրով, որն ընդունվել է
2007 թվականի մարտի 10-ին, վերախմբագրվել՝ ինքնակարգավորման
նախաձեռնության համաժողովում,
2024 թվականի մայիսի 18-ին:*